



Det er dei fire bustadane som skal byggjast på den gamle muren og som er vist på denne skissa som skal disponerast for vanskelegstilte

Torsdag skal verksemdsleiar for Rosendal-sona Leif K. Kongestøl orientera formannskapet om ei samarbeidsavtale som skal inngåast om bustader for vanskelegstilte i Uskedalen.

Han opplyser til uskedalen.no at det gjeld Hagetun-prosjektet som Alf og Johannes Hjørnevåg og Trond Lekva Myklebust har overteke frå Morten Harsvik og som dei skal byggja ut i nær framtid.

Kongestøl opplyser at kommunen skal disponera dei fire bustadane som skal byggjast på den gamle muren i hagesenteret.

Ved at kommunen får disposisjonsretten sikrar ein gunstige husbanklån. Avtaler om leige og anna blir inngått direkte mellom partane.

- Kva legg kommunen i ordet "vanskelegstilte", Kongestøl?
 - Det omfattar slike som ikkje har god nok inntekt til å skaffa seg ein bustad. Det kan vera så mange kategoriar. Avtala vil altså gjelda dei fire bustadane på muren. Behovet er i høgste grad til stades - vi har allereie fleire enn fire brukarar på lista vår, opplyser Kongestøl.

I utgangspunktet har trioen bak dette prosjektet teke sikte på bustadbehovet til eldre, men brukar-omgrepet blir altså no utvida.

Oppe i bakken mot Geilo blir det bygd seks tomannsbustader i tre hus og desse vil altså ikkje bli omfatta av samarbeidsavtala med kommunen.

Av Ola Matti Mathisen